

SURAU 'AL-ULUM KD9

Bil. 7. (Oktober, 2005/Ramadan, 1426H)

Untuk Edaran Ahli Kariah Sahaja

Percuma

17 Ramadan 1426H bersamaan 21 Oktober, 2005 – Nuzul Quran – Hiasinya dengan memperbanyakkan ibadah sunat

MARHABAN YA RAMADAN

Telah tiba bulan yang dinanti oleh orang-orang yang beriman iaitu Ramadhan al-Mubaraq. Melihat dari ungkapan di atas *marhaban* bermaksud lapang atau luas yang membawa erti menyambut Ramadhan dengan penuh lapang dada dan menjemput untuk menjadi tetamu atau pun dengan kata lain "Selamat Datang Ramadhan". Slogan yang mengalu-alukan kedatangan bulan yang penuh berkat ini turut membawa 1001 erti kepada seluruh umat Islam di seluruh dunia.

Menyingkap pula kalimah "Ramadhan" yang membawa erti membakar atau mengasuh. Dengan berkat kesabaran, kesedaran dan amalan yang soleh maka dosa-dosa manusia dihapuskan dan habis terbakar dek amalan yang diredhai itu tadi. Ramadhan juga mengasuh jiwa dari melakukan perbuatan-perbuatan yang menurutkan nafsu yang senantiasa bergelora. Membakar dan mengasuh supaya manusia bukan saja sibuk untuk menjamu keinginan jasmani tetapi turut juga memberi santapan kepada ruhani yang keadaannya terumbang-ambing umpama kapal layar di tengah lautan dipukul ombak dan badai.

Ramadhan sinonim dengan ibadah yang terbesar di dalamnya iaitu *as-saum* atau puasa. Puasa satu ibadah yang diwajibkan keatas umat Islam yang telah mukallaf dan digalakkan bagi anak-anak yang belum baligh. Untuk apa semua ini? Tahukah kita kalimah diwajibkan telah dinukil oleh Allah bukan kalimah mewajibkan. Kalimah diwajibkan dipilih oleh Allah SWT menunjukkan bahawa puasa bukan merupakan beban bagi manusia. Dan pada hakikatnya manusia mewajibkan keatas dirinya untuk berpuasa sambil menyedari betapa banyak hikmah dan manfaat disebalik puasa tersebut.

Selain ibadah puasa, tidak ketinggalan juga ibadah-ibadah yang fardu seperti solat lima waktu serta zakat fitrah yang merupakan sifat penampilan utama sebagai pelakon yang diciptakan untuk beribadah kepada Allah SWT, terdapat juga ibadah-ibadah nafilah yang lain untuk menokok tambah amalan dibulan Ramadhan seperti bersedekah, memberi makan anak yatim dan faqir miskin, bertarawih, qiamulail dan menikmati keistimewaan sepuluh malam terakhir yang lebih baik dari seribu bulan iaitu Lailatul Qadar.

Selamat Menyambut Ramadan Al-Mubarak

Pengerusi dan Barisan Ahli Jawatankuasa Surau Al-Ulum,
Seksyen 9 Kota Damansara ingin mengucapkan

Selamat Menyambut Ramadan Al-Mubarak kepada semua ahli kariah dan semua umat Islam seluruhnya, semoga kita semua sentiasa dalam keberkatan dan rahmat Illahi sepanjang bulan yang mulia ini.

Menilik dari ibadah-ibadah yang disebutkan, kita dapat rasakan bahawa sifat mendidik manusia terserlah dalam bulan Ramadhan. Ibadah-ibadah ini yang menjadi santapan ruhani dapat membentuk manusia yang berjiwa rabbani dan sentiasa menghadapkan diri untuk kesediaannya di akhirat yang merupakan nikmat yang paling besar bagi orang berpuasa. Sebagaimana sabda Nabi s.a.w yang bermaksud: "Ada dua kegembiraan (nikmat) yang diperolehi bagi orang yang berpuasa, yakni kegembiraan diwaktu berbuka puasa dan ketika bertemu Allah kelak." (Hadith riwayat Imam Tarmizi)

Justeru itu jempullah Ramadhan al-Mubaraq ke dalam hati kita sebagai tetamu untuk melatih ruhani dan jasmani supaya ia menjadi kental dan berjiwa suci untuk menghadapi 11 bulan yang penuh dengan pancaroba. Bersifatlah dengan sifat mahmudah yang diciptakan untuk manusia, supaya lakonannya mendapat perhatian Allah SWT. Taburlah benih-benih yang baik supaya dapat dituai di akhirat nanti dengan menjadi hamba yang teragung disisi Allah SWT. Serta perlu diingat Ramadhan bukan niat untuk kuruskan badan, berniaga, mencari keuntungan, kuih raya, baju raya dan hari raya, tetapi hanya kerana untuk mendapat mardhatillah SWT.

Ust Mohd Amin Al-Buntari

TINGKATKAN AMALAN DI BULAN RAMADHAN

Ramadhan ertinya "panas terik" atau "terbakar ." Dinamakan demikian kerana cuaca pada bulan ini di Jazirah Arab sangat panas, sehingga jika ada orang yang berjalan kaki di padang pasir tanpa memakai alas kaki pastilah kakinya akan terbakar. Dalam pengertian lain dinamakan dengan Ramadhan kerana pahala orang yang berpuasa pada bulan ini dapat membakar dosa-dosanya yang telah lalu. Oleh itu amatlah wajar kita mengambil kesempatan dibulan yang mulia ini untuk meningkatkan amal ibadah kita sebagaimana yang telah ditentukan.

1. Kewajipan Berpuasa

Sesungguhnya bulan Ramadhan adalah bulan yang setiap tahun dinantikan ketibaannya oleh setiap umat Islam, kerana ia bulan yang mulia dan memberikan banyak manfaat, fadhilat dan masa depan yang cerah bagi mereka yang menghayatinya. Pada bulan Ramadhan inilah umat Islam diwajibkan berpuasa sebagaimana firman Allah SWT yang bermaksud: "Wahai orang-orang yang beriman, kamu diwajibkan berpuasa sebagaimana yang diwajibkan atas orang yang sebelum kamu mudah-mudahan kamu bertaqwa. (Maka yang diwajibkan kamu berpuasa itu ialah bulan Ramadhan yang padanya diturunkan Al-Quran menjadi petunjuk bagi sekalian manusia dan menjadi keterangan-keterangan yang menjelaskan petunjuk) dan (menjelaskan) perbezaan antara yang benar dengan yang salah. Justeru itu sesiapa di antara kamu yang menyaksikan anak bulan Ramadhan (atau mengetahuinya), maka hendaklah ia berpuasa pada bulan itu." (Al-Baqarah: 183-185)

a. Ikan di laut memohonkan keampunan bagi orang, yang berpuasa

Dalam sebuah hadith dijelaskan; apabila Allah mencintai seseorang, Dia berfirman kepada Jibril: "Aku mencintai orang itu maka kamu juga hendaklah mencintainya." Jibril pun mencintainya dan mengumurnkan kepada penghuni langit: "Orang itu dicintai Allah, kesemua kamu hendaklah mencintainya." Dengan itu kesemua penghuni langit mulalah mencintainya. Maka, kecintaan terhadap orang yang berpuasa tersebut akan tersebar ke bumi. *lihat ms.2*



Petikan Al-Quran

"Wahai orang-orang yang beriman, kamu diwajibkan berpuasa sebagaimana yang diwajibkan atas orang yang sebelum kamu mudah-mudahan kamu bertaqwa. (Maka yang diwajibkan kamu berpuasa itu ialah bulan Ramadhan yang padanya diturunkan Al-Quran menjadi petunjuk bagi sekalian manusia dan menjadi keterangan-keterangan yang menjelaskan petunjuk) dan (menjelaskan) perbezaan antara yang benar dengan yang salah. Justeru itu sesiapa di antara kamu yang menyaksikan anak bulan Ramadhan (atau mengetahuinya), maka hendaklah ia berpuasa pada bulan itu." (Al-Baqarah: 183-185)

dari muka depan

Biasanya mereka yang hampir kepadanya sahaja yang seolah-olah nampak mencintainya, tetapi di sini kecintaan itu tersebar ke semua arah; malahan sehingga binatang-binatang di hutan dan ikan-ikan di laut pun turut mencintainya. Kesemuanya akan berdoa bagi orang yang berpuasa."

b. Pintu-pintu syurga di buka - Rasulullah SAW bersabda: "Pada malam pertama bulan Ramadhan diikat semua syaitan dan jin dan ditutup semua pintu-pintu neraka dan tidak dibuka satu pintupun darinya. Dan dibukakan pintu-pintu syurga dan tidak ditutup satu pun darinya. Maka berserulah penyeru; Wahai orang yang melakukan kebaikan hampirah kamu, wahai orang yang melakukan kejahatan mundurlah kamu. Dan sesungguhnya Allah mempunyai ahli neraka yang dibebaskan dan yang demikian itu berlaku pada setiap malam (Ramadhan). (HR. Tirmizi dan Ibn Majah)

c. Akan mendapat keampunan - Dalam hadith yang lain pula diterangkan, bahawa siapa yang berpuasa pada bulan Ramadhan dengan sungguh-sungguh beriman dan ikhlas kerana Allah, nescaya diampuni Allah dosa-dosanya yang telah lalu. (HR. Ahmad).

2. Mengerjakan solat Tarawih dan Keutamaannya

Ibadah yang paling besar pahalanya selain pahala puasa ialah menghayati setiap malamnya dengan solat sunat Tarawih. Menurut keterangan sebuah hadith Rasulullah SAW yang menerangkan tentang berbagai fadhilat dan faedah yang terdapat dalam mengerjakan solat Tarawih.

Di antara fadhilat dan faedahnya ialah diampuni dosa-dosa dirinya dan kedua ibu bapanya, diberi pahala seumpama pahala tawaf para malaikat di Baitul Makmur, bersih dari dosa seperti baru dilahirkan, dibinakan mahligai di syurga dinaikkan kedudukannya seribu darjat di akhirat dan berbagai lagi.

a. Pengertian solat Tarawih - Erti Tarawih ialah duduk bersenang-senang atau beristirahat. Solat Tarawih bererti solat dengan rasa senang dan kelapangan hati selepas solat fardhu Isyak. Biasanya duduk berehat setelah mengerjakan empat rakaat solat Tarawih, sebelum disambung semula.

b. Hukum melaksanakan solat Tarawih - Para ulama telah sepakat mengatakan bahawa hukum melakukan solat Tarawih ini adalah sunat muakad, yang boleh dilakukan seorang diri, baik di rumah, surau mahupun Masjid dan adalah lebih baik jika dikerjakan secara berjemaah.

c. Bilangan rakaat solat Tarawih - Dari beberapa keterangan dan riwayat mengatakan, bahawa bilangan rakaat solat Tarawih itu ada beberapa macam iaitu, 8 rakaat, 20 rakaat, 36 rakaat, bahkan ada juga yang mengerjakan 42 rakaat di luar Witir.

3. Mengerjakan Solat Sunat Witir

Jika anda berniat hendak bangun tengah malam, mengerjakan solat sunat Tahajjud, solat Hajat solat Tasbih dan sebagainya, maka solat sunat Witir boleh ditangguhkan dan dilaksanakan terakhir sekali iaitu setelah selesai dikerjakan semua solat-solat tersebut. Orang ramai yang mendirikan solat Tarawih berjemaah di masjid atau surau, biasanya akan terus mengerjakan solat sunat Witir tiga rakaat (dua salam) dengan cara berjemaah, sebaik sahaja selesai mengerjakan solat Tarawih.

4. Beriktikaf 10 Hari Terakhir Ramadhan

Dari Aisyah ia berkata: "Adalah Nabi SAW beriktikaf pada sepuluh hari terakhir dalam bulan Ramadhan sampai Allah SWT mewafatkan baginda, kemudian isteri-isteri baginda beriktikaf sesudah itu." (HR. Bukhari Muslim)

Yang dimaksud dengan beriktikaf ialah tinggal menyendiri di dalam masjid untuk melakukan ibadah selama sepuluh hari akhir bulan Ramadhan tanpa keluar, kecuali kerana keperluan yang mendesak.

5. Memperbanyak Amal dan Sedekah

Amal kebajikan seperti membaca Al-Quran, berdoa, berzikir atau mengajarkan agarna, jika dilakukan bertepatan dengan Lailatul Qadar maka Allah akan berikan pahala sarna dengan pahala orang yang melakukan amal tersebut selama seribu bulan. Oleh kerana itu hendaklah pada malam atau siang hari bulan Ramadhan ini kita memperbanyak amal sunnah. Begitu juga kalau kita mampu hendaklah memperbanyak sedekah kepada fakir miskin.

6. Memperbanyak Istighfar Pada Malam Terakhir Ramadhan.

Rasulullah SAW bersabda, ertinya: "Pada bulan Ramadhan umatku diberi lima perkara yang tidak pernah diberikan kepada seorang nabi pun sebelumnya." Pertama, iaitu bila datang awal malam Ramadhan, Allah Azza Wajalla melihat mereka. Barangsiapa dilihat oleh Allah maka selamanya dia tidak akan disentuh oleh azab. Kedua, bau mulut mereka pada petang hari di sisi Allah lebih harum dari bau minyak kasturi. Ketiga, para malaikat memohonkan ampunan bagi mereka setiap siang dan malam. Keempat Allah Azza Wajalla menyuruh syurganya dengan berfirman

PROGRAM IHYA' RAMADAN 1426H SURAU AL ULUM KD9

Tarikh	Hari	Malam	Penceramah/Aktiviti
04.10.2005	Selasa	1 Ramadhan	Intro - Pengerusi Surau Al-Ulum
05.10.2005	Rabu	2 Ramadhan	Ustaz Kamal Mahadi
06.10.2005	Khamis	3 Ramadhan	Yaasin / Tahliil Arwah
07.10.2005	Jumaat	4 Ramadhan	Ustaz Azizi
08.10.2005	Sabtu	5 Ramadhan	Suboh - Ustaz Zaharudin Ustaz Abdullah Lufti
09.10.2005	Ahad	6 Ramadhan	Suboh - Ustaz Shukri Najib Ustaz Anwar Redzuan Zakaria
10.10.2005	Isnin	7 Ramadhan	Ustaz Nizam Kamaruzaman
11.10.2005	Selasa	8 Ramadhan	Ustaz Muhadir Joll
12.10.2005	Rabu	9 Ramadhan	Dr. Hj. Ismadi Ishak
13.10.2005	Khamis	10 Ramadhan	Ust. Halim Din
14.10.2005	Jumaat	11 Ramadhan	Saudara Zainol Abidin Kasim
15.10.2005	Sabtu	12 Ramadhan	Suboh - Tuan Haji Ghazali
16.10.2005	Ahad	13 Ramadhan	Suboh - Ust Shakir H. Khalid Ustaz Abdullah Yasin
17.10.2005	Isnin	14 Ramadhan	- Kosong -
18.10.2005	Selasa	15 Ramadhan	Ust Redzuan Md Nor
19.10.2005	Rabu	16 Ramadhan	Ustaz Kamal Mahadi
20.10.2005	Khamis	17 Ramadhan	Yaasin / Tahliil Arwah
21.10.2005	Jumaat	18 Ramadhan	Ustaz Azizi
22.10.2005	Sabtu	19 Ramadhan	Suboh - Ustaz Abdullah Osman Iraqi
23.10.2005	Ahad	20 Ramadhan	Suboh - Us W Azhar Ahmad Ustaz Mohd Hasnol Abu Bakar
24.10.2005	Isnin	21 Ramadhan	Ust Rafie/Ust Anuar
25.10.2005	Selasa	22 Ramadhan	Ustaz Muhadir Joll
26.10.2005	Rabu	23 Ramadhan	Ustaz Zainudin Abu Bakar
27.10.2005	Khamis	24 Ramadhan	Yaasin / Tahliil Arwah
28.10.2005	Jumaat	25 Ramadhan	Ust Zaim*
29.10.2005	Sabtu	26 Ramadhan	Suboh - Ustaz Hj Abd Razak
30.10.2005	Ahad	27 Ramadhan	Q'lail/Suboh - UsMuhadir Joll
31.10.2005	Isnin	28 Ramadhan	
01.11.2005	Selasa	29 Ramadhan	
02.11.2005	Rabu	1 Syawal	Takbir

maksudnya: dan kembali ke kampungKu dan rahmatKu. Kelima apabila telah tiba akhir malam (Ramadhan), Allah mengampunkan dosa-dosa mereka semua." (HR. Ahmad dan Baihaqi).

7. Memperbanyak Tadarus Al-Quran

Dari Ibn Abbas berkata: "Adalah Nabi SAW orang yang sangat dermawan dan lebih besar lagi kedermawanannya bila berada pada bulan Ramadhan, kerana Jibril biasa menemui baginda pada setiap malam Ramadhan sampai habis bulan. Rasulullah SAW menghadirkan Al-Quran kepadanya dan ketika Jibril menemuinya, baginda sangat besar kedermawanannya, sehingga melebihi angin yang bertuip." (HR. Bukhari)

Maksud hadith di atas ialah, pada setiap malam bulan Ramadhan Jibril berkunjung kepada Rasulullah SAW. Pada saat itu Rasulullah SAW menghadirkan Al-Quran untuk dibaca di hadapan Jibril.

8. Membaca Doa Ketika Bertemu Lailatul Qadar

Rasulullah SAW mengajarkan kepada Aisyah supaya berdoa apabila bertemu dengan Lailatul Qadar. Doa tersebut bermaksud, "Ya Allah, sesungguhnya Engkau yang mengurniakan keampunan terhadap dosa-dosaku. Engkau suka mengampun, maka ampunilah aku." Wallahualam.